



Ayşe

Ayşe Kökiyeva

Ayşe Kökiyeva

Kökiyeva

şiiirler

Ayşe Kökiyeva



**Top-top ete, top ete
Topçıq kezmege kete.
Sekirikley, tığıra,
Elmazçıqı çağıra.**

Ayşe Kökiyeva

QOQLA

**Elmazniñ qoqlaçıǵı
Sanki onıñ qızçıǵı.
Aqşam-saba ağlamay,
Başına qıyıq bağlamay.**



Ayşe Kökiyeva

BARIŞIQ ŞEERİ

**Mına ağaç, ana çirpi,
Mına qopqa, ana cam.
Qum üstünde dostlarımnen
Dülber şeer quracam.**



Ayşe Kökiyeva

Qılıqlar

**Sakineniň qılıqları
Destan oldı qulaqlarda.
Cıyıp alıp bütünini -
Osalını, kütürini
Bıraqayıq tarlalarğa
Yemek olsun, qarğalarğa!**



Ayşe Kökiyeva

PAPİYÇİKLER

**Papiy kete kezmege,
Aç qarnını çezmege,
Etrafında papiyler,
Tüyçiklerini çöpleyler.**



Ayşe Kökiyeva

BARAQ KÖPEÇİK

**Qorqaq baraq köpeçik,
Qulağında küpeçik,
Balaban bir köpekten.
Yünü sanki yipekten.**



Ayşe Kökiyeva

Horaz

**Men bir qopay horazım,
Quyruğımnda orağım.
Sabaleyin balalarnı
Uyatmaqtır muradım.**



Ayşe Kökiyeva

**Çotır şişman qırqayaq
Tapıp balaban tayaq
Arqasına yüklegen,
Yerge iç tiz çökmegen.**

**Sarqıp süyrelgen tayaq...
Ebcil, işkir qırqayaq
Evine alıp kelgen,
Yapmaq istegen legen.**





Ayşe Kökiyeva

Sual - cevap

**Oca dey: - Aytçı, Gülnar,
Qoluñda bar doquz nar.
Üçüni sen aşasañ,
Qaçını aşar Asan?**


**-Üçüni men aşasam...
Şaştıñızımı, vay, ocam!
Aşarım episini,
Asan körmez tüşüni.**



Ayşe Kökiyeva

Çaynik

**Buulanıp çaynik qaynay,
Kıçkeneçik Mercanay
Dey: - Çaynik de babamday
Dumanlatıp büs-bütün,
Yaqmağa seve tütün!**




Ayşe Kökiyeva

Maqtançaq qaz

**Maqtançaq qaz,
Forsa satıp,
Qanatıñnı qaqıtma!
Hep bir senden
Qorqmayım men,
"Ğa-ğa!" etip qorqutma.**

**Neçün küçük balalarğa
Yol bermeysiñ keçmege?
Seniñ böyle qılığın
Begenmeyim hiç te de.**

**Maqtançaq qaz,
Çoq qopayma,
Çekil, deyim yolumdan!
Şimdi seni cezalarım,
Çubuğım bar qolumda.**



AYŞE KÖKIYEVA
Ay ve fil

Gece kökte yañı ay
saçını cayıp taray.
O yaq, bu yaq baqına,
filni ala aqlına.

Ay hep kete, fil kete,
aynıñ yolun közete.
Fil toqtasa, ay toqtay...
Ketebereler qorqmay.

– Eteyim biraz şaqa!
- dep filniñ közün çaqa.
Uyana fil yuqsırap,
dört tarafına qarap.

Yolda subet eteler,
dağğa barıp yeteler.
Ketebere ay talmay,
fil de artında qalmay.

Açuvı çıqmay filniñ,
ay-dostunıñ– qandilniñ–
adetini pek bile,
hep kete onıñ ile.

Balaban mavı gölde
asıl ola bir kölge.
Baqır ay gölge tüşe,
dostlar şöyle körüşe.



